

Siunnersuut uunga:**Meeqqanut akilersuutit il.il. kiisalu meeravissartaarnermi tapiissutit
tunniunneqartarneri pillugit Inatsisartut peqqussutaannik allanngortitsineq pillugu
Inatsisartut inatsisaat**

(Meeqqanut akilersuutit siumoortumik tunniunneqartarnerinut aningaasarsiat aallaavigalugit
akilersueriaaseq)

§ 1

Meeqqanut akilersuutit il.il. kiisalu meeravissartaarnermi tapiissutit tunniunneqartarneri
pillugit Inatsisartut peqqussutaata nr. 2, 3. marts 1994-imeersup allanngortinneqarneranik
Inatsisartut peqqussutaanni nr. 3, 12. juni 1995-meersumi makku allannguutigittinneqassapput:

1. § 17 imatut oqaasertalerneqassaaq:

” **§ 17.** Akilersuutit siumoortumik tunniunneqarpata kommuni siumoortumik
tunniussisimasooq akilersuisussaatitaasumik akiliisitsiniarnissaminut pisinnaatitaallissaaq,
taamaattorli tak. imm. 4. Taamatuttaaq pisoqassaaq meeraq angerlarsimaffiup avataanut
inissinneqarpat, imaluunniit meeraq pisortanit tamakkiisumik pilersorneqarpat.

Imm. 2. Akilersuutit siumoortumik tunniunneqarnerini tunniussinermut peqatigitillugu
akilersuisussaatitaasooq tunniussineq pillugu allakkatigut ilisimatinneqassaaq, aammattaarlu
ilisimatinneqarluni akilersuutit akilernerqartussanngortut, taamaattorli tak. imm. 4,
kommunimut akilernerqassasut.

Imm. 3. Meeqqap angerlarsimaffiup avataanut inissinneqarnera pisortanilluunniit
tamakkiisumik pilersorneqarnera pissutigalugu kommuni akilersuutini akiliisitsiniarnissanut
pisinnaatitaalerpat akilersuutini pisinnaatitaasooq aamma akilersuisussaatitaasooq tamanna
pillugu allakkatigut ilisimatinneqassapput.

Imm. 4. Akilersuisussaatitaasooq maannakkorpiaq aningaasarsiaqarpat:

1) 100.000 kr. (2023 qaffasissuseq), kommunip taamaallaat ukiumut aningaasat 2.400 kr.
akileqqullugit akilersuutini akilersuisussaatitaasumut piumasaqarsinnaavoq (2023
qaffasissuseq).

2) 100.000 kr. (2023 qaffasissuseq) imaluunniit qaangerlugit 2.400 kr. (2023 qaffasissuseq),
tak. nr. 1, maannakkorpiaq aningaasarsiat 100.000 kr.-init qaangiinerup 4,8 procentiinik
qaffanneqassapput (2023 qaffasissuseq). Taamaattoq nalinginnaasumik amerlassutsit, tak. § 5,
aningaasanit akilersinniarlugit piumasaqaatinik qaangerneqarsinnaanngillat.

Imm. 5. Imm. 4-mi amerlassutsit, procenti aqqiissutissaq aamma maannakkorpiaq
aningaasarsiat pillugit Inatsisartut inatsisaat nr. 9, 1. juni 2017-imeersooq naapertorlugu
ukiumoortumik angissusilerneqartassapput.

Imm. 6. Kommuni akilersuutini akiliisitsiniarnissamut pisinnaatitaaffeqalerpat taamatut
pisinnaatitaaffik suliaassap pisoqalisoorinnaanera eqqarsaatigalugu ukiut 20-t

qaangiunneranni nalinginnaasumik pisoqalisoorsinnaaneq pillugu malittaarisassat
atuutissapput.”

§ 2

Inatsisartut inatsisaat atuutilissaaq ulloq 1. juuli 2023.

Namminersorlutik Oqartussat, ulloq xx. xxx. 2023

Naalakkersuisunut Siulittaasoq